



ZHONGGUO JIUWENXIAN
SHIWEN JICHENG

中国酒文献诗文集


第二册

先秦两汉魏晋南北朝隋唐五代酒诗文集

李修余 彭贵川 胡春秀 编著

 中国文史出版社

中国酒文献诗文集成



ISBN 978-7-5034-9866-4



9 787503 498664

定价：6800.00元
(全八卷·十册)




ZHONGGUO JIUWENXIAN
SHIWEN JICHENG

中国酒文献诗文集

第二册 先秦两汉魏晋南北朝隋唐五代酒诗文集

李修余 彭贵川 胡春秀 编著

 中国文史出版社



先秦两汉魏晋南北朝隋唐五代酒

诗 文



诗经

《诗经》是中国最早的诗歌总集，收入自西周初年至春秋中叶五百多年间的诗歌。另有六篇有题目无内容，即有目无辞，称为笙诗。先秦称为《诗》，或取其整数称《诗三百》。西汉时被尊为儒家经典，始称《诗经》，并沿用至今。《诗经》按照音乐的不同分为风、雅、颂三部分，在篇章结构上多采用重章叠句的形式。其主要表现手法有三种，通常称为赋、比、兴。

国风·周南·卷耳（节录）

我姑酌彼金罍，维以不永怀。陟彼高冈，我马玄黄。我姑酌彼兕觥，维以不永伤。（四部丛刊景宋本《毛诗》卷一）

国风·郑风·女曰鸡鸣（节录）

宜言饮酒，与子偕老。琴瑟在御，莫不静好。（同上卷四）

国风·郑风·叔于田

叔于田，巷无居人。岂无居人，不如叔也，洵美且仁。叔于狩，巷无饮酒。岂无饮酒，不如叔也，洵美且好。叔适野，巷无服马。岂无服马，不如叔也。洵美且武。（同上卷四）

国风·豳风·七月（节录）

六月食郁及薁，七月亨葵及菽，八月剥枣，十月获稻，为此春酒，以介眉寿。七月食瓜，八月断壶，九月叔苴，采荼薪樗，食我农夫。

二之日凿冰冲冲，三之日纳于凌阴。四之日其蚤，献羔祭韭。九月肃霜，十月涤场。朋酒斯殽，曰杀羔羊。跻彼公堂，称彼兕觥，万寿无疆。（同上卷八）

小雅·鹿鸣（节录）

鼓瑟鼓琴，和乐且湛。我有旨酒，以燕乐嘉宾之心。（同上卷九）

小雅·南有嘉鱼

南有嘉鱼，烝然罩罩。君子有酒，嘉宾式燕以乐。南有嘉鱼，烝然汕汕。君子有酒，嘉宾式燕以衍。南有樛木，甘瓠累之。君子有酒，嘉宾式燕绥之。翩翩者騅，烝然来思。君子有酒，嘉宾式燕又思。（同上卷九）

小雅·鱼丽

鱼丽于罟，鲿鲨。君子有酒，旨且多。鱼丽于罟，魴鱧。君子有酒，多且旨。鱼丽于罟，鰋鲤。君子有酒，旨且有。物其多矣，维其嘉矣。物其旨矣，维其偕矣。物其有矣，维其时矣。（同上卷九）

小雅·伐木

伐木丁丁，鸟鸣嚶嚶。出自幽谷，迁于乔木。嚶其鸣矣，求其友声。相彼鸟矣，犹求友声。矧伊人矣，不求友生。神之听之，终和且平。伐木许许，酺酒有藿。既有肥羜，以速诸父。宁适不来，微我弗顾。于粢洒扫，陈馈八簋。既有肥牡，以速诸舅。宁适不来，微我有咎。伐木于阪，酺酒有愆。笱豆有践，兄弟无远。民之失德，干糗以愆。有酒湑我，无酒酤我。坎坎鼓我，蹲蹲舞我。迨我暇矣，饮此湑矣。（同上卷九）

小雅·湛露

湛湛露斯，匪阳不晞。厌厌夜饮，不醉无归。湛湛露斯，在彼丰草。厌厌夜饮，在宗载考。湛湛露斯，在彼杞棘。显允君子，莫不令德。其桐其椅，其实离离。岂弟君子，莫不令仪。（同上卷十）

小雅·小宛（节录）

人之齐圣，饮酒温克。彼昏不知，壹醉日富。（同上卷十二）

小雅·楚茨

楚楚者茨，言抽其棘。自昔何为，我艺黍稷。我黍与与，我稷翼翼。我仓既盈，我庾维亿。以为酒食，以享以祀。以妥以侑，以介景福。济济跄跄，絜尔牛羊，以往烝尝。或剥或亨，或肆或将。祝祭于祊，祀事孔明。先祖是皇，神保是飨。孝孙有庆，报以介福，万寿无疆。执爨蹠蹠，为俎孔硕。或燔或炙，君妇莫莫。为豆孔庶，为宾为客。献酬交错，礼仪卒度，笑语卒获。神保是格，报以介福，万寿攸酢。我孔夙矣，式礼莫愆。工祝致告，徂赉孝孙。苾芬孝祀，神嗜饮食。卜尔百福，如几如式。既齐既稷，既匡既勅。永锡尔极，时万时亿。礼仪既备，钟鼓既戒。孝孙徂位，工祝致告。神具醉止，皇尸载起。钟鼓送尸，神保聿归。诸宰君妇，废彻不迟。诸父兄弟，备言燕私。乐具入奏，以绥后禄。尔肴既将，莫怨具庆。既醉既饱，小大稽首。神嗜饮食，使君寿考。孔惠孔时，维其尽之。子子孙孙，勿替引之。（同上卷十三）

小雅·信南山（节录）

曾孙之穡，以为酒食。畀我尸宾，寿考万年。中田有庐，疆场有瓜。是剥是菹，献之皇祖。曾孙寿考，受天之祜。祭以清酒，从以騂牡，享于祖考。（同上卷十三）



小雅·北山（节录）

或栖迟偃仰，或王事鞅掌。或湛乐饮酒，或惨惨畏咎。（同上卷十三）

小雅·桑扈（节录）

兕觥其觶，旨酒思柔。彼交匪敖，万福来求。（同上卷十四）

小雅·頍弁

有頍者弁，实维何何。尔酒既旨，尔殽既嘉。岂伊异人，兄弟匪他。芑与女萝，施于松柏。未见君子，忧心奕奕。既见君子，庶几说懌。有頍者弁，实维何期。尔酒既旨，尔殽既时。岂伊异人，兄弟具来。芑与女萝，施于松上。未见君子，忧心怲怲。既见君子，庶几有臧。有頍者弁，实维在首。尔酒既旨，尔殽既阜。岂伊异人，兄弟甥舅。如彼雨雪，先集维霰。死丧无日，无几相见。乐酒今夕，君子维宴。（同上卷十四）

小雅·车辇（节录）

虽无旨酒？式饮庶几。虽无嘉肴？式食庶几。（同上卷十四）

小雅·宾之初筵

宾之初筵，左右秩秩。笱豆有楚，殽核维旅。酒既和旨，饮酒孔偕。钟鼓既设，举酬逸逸。大侯既抗，弓矢斯张。射夫既同，献尔发功。发彼有的，以祈尔爵。钥舞笙鼓，乐既和奏。烝衍烈祖，以洽百礼。百礼既至，有壬有林。锡尔纯嘏，子孙其湛。其湛曰乐，各奏尔能。宾载手仇，室人入又。酌彼康爵，以奏尔时。宾之初筵，温温其恭。其未醉止，威仪反反。曰既醉止，威仪幡幡。舍其坐迁，屡舞仙仙。其未醉止，威仪抑抑。曰既醉止，威仪怳怳。是曰既醉，不知其秩。宾既醉止，载号载呶。乱我笱豆，屡舞僂僂。是曰既醉，不知其邮。侧弁之俄，屡舞傴傴。既醉而出，并受其福。醉而不出，是谓伐德。饮酒孔嘉，维其令仪。凡此饮酒，或醉或否。既立之监，或佐之史。彼醉不臧，不醉反耻。式勿从谓，无俾大怠。匪言勿言，匪由勿语。由醉之言，俾出童羖。三爵不识，矧敢多又。（同上卷十四）

小雅·鱼藻

鱼在在藻，有颁其首。王在在镐，岂乐饮酒。鱼在在藻，有莘其尾。王在在镐，饮酒乐岂。鱼在在藻，依于其蒲。王在在镐，有那其居。（同上卷十四）

小雅·角弓（节录）

老马反为驹，不顾其后。如食宜飴，如酌孔取。（同上卷十五）

小雅·瓠叶

幡幡瓠叶，采之亨之。君子有酒，酌言尝之。有兔斯首，炮之燔之。君子有酒，酌言献之。有兔斯首，燔之炙之。君子有酒，酌言酢之。有兔斯首，燔之炮之。君子有酒，酌言酬之。（同上卷十五）

大雅·旱麓（节录）

清酒既载，骍牡既备。以享以祀，以介景福。（同上卷十六）

大雅·行苇

敦彼行苇，牛羊勿践履。方苞方体，维叶泥泥。戚戚兄弟，莫远具尔。或肆之筵，或授之几。肆筵设席，授几有缉御。或献或酢，洗爵奠斝。醕醢以荐，或燔或炙。嘉肴脾臄，或歌或号。敦弓既坚，四鍬既钧，舍矢既均，序宾以贤。敦弓既句，既挟四鍬。四鍬如树，序宾以不侮。曾孙维主，酒醴维醑，酌以大斗，以祈黄耇。黄耇台背，以引以翼。寿考维祺，以介景福。（同上卷十七）

大雅·既醉

既醉以酒，既饱以德。君子万年，介尔景福。既醉以酒，尔殽既将。君子万年，介尔昭明。昭明有融，高朗令终。令终有俶，公尸嘉告。其告维何，笱豆静嘉。朋友攸摄，摄以威仪。威仪孔时，君子有孝子。孝子不匮，永锡尔类。其类维何，室家之壶。君子万年，永锡祚胤。其胤维何，天被尔禄。君子万年，景命有仆。其仆维何，厘尔女士。厘尔女士，从以孙子。（同上卷十七）

大雅·鳧鷖

鳧鷖在泾，公尸来燕来宁。尔酒既清，尔殽既馨。公尸燕饮，福禄来成。鳧鷖在沙，公尸来燕来宜。尔酒既多，尔殽既嘉。公尸燕饮，福禄来为。鳧鷖在渚，公尸来燕来处。尔酒既湑，尔殽伊脯。公尸燕饮，福禄来下。鳧鷖在濞，公尸来燕来宗。既燕于宗，福禄攸降。公尸燕饮，福禄来崇。鳧鷖在臯，公尸来止熏熏。旨酒欣欣，燔炙芬芬。公尸燕饮，无有后艰。（同上卷十七）

大雅·公刘（节录）

执豕于牢，酌之用匏。食之饮之，君之宗之。（同上卷十七）

大雅·荡（节录）

文王曰咨，咨女殷商。天不湏尔以酒，不义从式。（同上卷十八）

大雅·韩奕（节录）

韩侯出祖，出宿于屠，显父饯之，清酒百壶。（同上卷十八）

周颂·载芟（节录）

为酒为醴，烝畀祖妣，不洽百礼。（同上卷十九）

周颂·丝衣

丝衣其紃，载弁俦俦。自堂徂基，自羊徂牛。鼐鼎及鼯，兕觥其觶，旨酒思柔。不吴不敖，胡考之休。（同上卷十九）

商颂·烈祖（节录）

申锡无疆，及尔斯所。既载清酤，赉我思成。（同上卷二十）

左丘明

左丘明（约前556—前451），春秋末期鲁国人。曾任鲁国太史，学识渊博，是中国著名的历史学家、散文家。因其著有中国第一部编年史《左传》、以及现存最早的一部国别史《国语》，被誉为“百家文字之宗、万世古文之祖”，为中国史学的开山鼻祖。

《左传》（选录）

隐公三年（节录） 三年而治兵，入而振旅，归而饮至，以数军实。（清嘉庆二十年南昌府学重刊宋本十三经注疏本杜预《春秋左传正义》卷第三）

桓公二年（节录） 凡公行，告于宗庙；反行，饮至、舍爵，策勋焉，礼也。

桓公十六年（节录） 秋七月，公至自伐郑，以饮至之礼也。

庄公十二年（节录） 宋人请猛获于卫，卫人欲勿与，石祁子曰：“不可。天下之恶一也，恶于宋而保于我，保之何补？得一夫而失一国，与恶而弃好，非谋也。”卫人归之。亦请南宫万于陈，以赂。陈人使妇人饮之酒，而以犀革裹之。比及宋手足皆见。宋人皆醢之。

庄公十七年（节录） 夏，遂因氏，颌氏、工娄氏、须遂氏飨齐戍，醉而杀之，齐人歼焉。

庄公十八年（节录） 十八年春，虢公、晋侯朝王，王飨醴，命之宥，皆赐玉五珎，马三匹。

庄公二十二年（节录） 饮桓公酒，乐。公曰：“以火继之。”辞曰：“臣卜其昼，未卜其夜，不敢。”君子曰：“酒以成礼，不继以淫，义也。以君成礼，弗纳于淫，仁也。”

庄公三十二年（节录） 公疾，问后于叔牙。对曰：“庆父材。”问于季友，对曰：“臣以死奉般。”公曰：“乡者牙曰庆父材。”成季使以君命命僖叔待于金咸巫氏，使金咸季鸩之，曰：“饮此则有后于鲁国，不然，死且无后。”饮之，归及逵泉而卒，立叔孙氏。

闵公元年（节录） 狄人伐邢。管敬仲言于齐侯曰：“戎狄豺狼，不可厌也。诸夏亲昵，不可弃也。宴安鸩毒，不可怀也。《诗》云：‘岂不怀归，畏此简书。’简书，同恶相恤之谓也。请救邢以从简书。”齐人救邢。

僖公四年（节录） 四年春，齐侯以诸侯之师侵蔡。蔡溃。遂伐楚。楚子使与师言曰：“君处北海，寡人处南海，唯是风马牛不相及也。不虞君之涉吾地也，何故？”管仲对曰：“昔召康公命我先君大公曰：‘五侯九伯，女实征之，以夹辅周室。’赐我先君履，东至于海，西至于河，南至于穆陵，北至于无棣。尔贡包茅不入，王祭不共，无以缩酒，寡人是征。昭王南征而不复，寡人是问。”

僖公二十五年（节录） 戊午，晋侯朝王，王飨醴，命之宥。

僖公二十八年（节录） 己酉，王享醴，命晋侯宥。

秋七月丙申，振旅，恺以入于晋。献俘授馘，饮至大赏，征会讨贰。

僖公三十年（节录） 晋侯使医衍鸩卫侯。宁俞货医，使薄其鸩，不死。公为之请，纳玉于王与晋侯。

文公十七年（节录） 秋，周甘蜀败戎于垂，乘其饮酒也。

宣公元年（节录） 秋九月，晋侯饮赵盾酒，伏甲将攻之。其右提弥明知之，趋登曰：“臣侍君宴，过三爵，非礼也。”遂扶以下，公喉夫斃焉。

宣公十年（节录） 陈灵公与孔宁、仪行父饮酒于夏氏。公谓行父曰：“征舒似女。”对曰：“亦似君。”征舒病之。公出，自其廐射而杀之。二子奔楚。

宣公十五年（节录） 潞子婴儿之夫人，晋景公之姊也。酆舒为政而杀之，又伤潞子之目。晋侯将伐之，诸大夫皆曰：“不可。酆舒有三俊才，不如待后之人。”伯宗曰：“必伐之。狄有五罪，俊才虽多，何补焉？不祀，一也。奢酒，二也……”

成公三年（节录） 韩厥登，举爵曰：“臣之不敢爱死，为两君之在此堂也。”

成公十四年（节录） 卫侯飨苦成叔，宁惠子相。苦成叔傲。宁子曰：“苦成家其亡乎！古之为享食也，以观威仪、省祸福也。故《诗》曰：‘兕觥其觶，旨酒思柔，彼交匪傲，万福来求。’今夫子傲，取祸之道也。”

冬十月，卫定公卒。夫人姜氏既哭而息，见太子之不哀也，不内酌饮。

成公十六年（节录） 栾金咸见子重之旌，请曰：“楚人谓夫旌，子重之麾也。彼其子重也。日臣之使于楚也，子重问晋国之勇。臣对曰：‘好以众整。’曰：‘又何如？’臣对曰：‘好以暇。’今两国治戎，行人不使，不可谓整。临事而食言，不可谓暇。请摄饮焉。”公许之。使行人执榼承饮，造于子重，曰：“寡君乏使，使金咸御持矛。是以不得犒从者，使某摄饮。”子重曰：“夫子尝与吾言于楚，必是故也，不亦识乎！”受而饮之。免使者而复鼓。

谷阳竖献饮于子反，子反醉而不能见。王曰：“天败楚也夫！余不可以待。”乃宵遁。

成公十七年（节录） 厉公田，与妇人先杀而饮酒，后使大夫杀。

襄公十四年（节录） 卫献公戒孙文子、宁惠子食，皆服而朝。日旰不召，而射鸿于囿。二子从之，不释皮冠而与之言。二子怒。孙文子如戚，孙蒯入使。公饮之酒，使大师歌《巧言》之卒章。

襄公二十二年（节录） 二十二年春，臧武仲如晋，雨，过御叔。御叔在其邑，将饮酒，曰：“焉用圣人！我将饮酒而已，雨行，何以圣为？”穆叔闻之曰：“不可使也，而傲使人，国之蠹也。”令倍其赋。

襄公二十三年（节录） 季武子无适子，公弥长，而爱悼子，欲立之。访于申丰，曰：“弥与纥，吾皆爱之，欲择才焉而立之。”申丰趋退，归，尽室将行。他日，又访焉，对曰：“其然，将具敝车而行。”乃止。访于臧纥，臧纥曰：“饮我酒，吾为子立之。”季氏饮大夫酒，臧纥为客。既



献，臧孙命北面重席，新尊絜之。

季氏以公鉏为马正，愠而不出。闵子马见之，曰：“子无然！祸福无门，唯人所召。为人子者，患不孝，不患无所。敬共父命，何常之有？若能孝敬，富倍季氏可也。奸回不轨，祸倍下民可也。”公鉏然之。敬共朝夕，恪居官次。季孙喜，使饮己酒，而以具往，尽舍旃。

襄公二十五年（节录） 陈侯使司马桓子赂以宗器。陈侯免，拥社。使其众，男女别而累，以待于朝。子展执紼而见，再拜稽首，承饮而进献。

襄公二十八年（节录） 齐庄封好田而耆酒，与庆舍政。则以其内实迁于卢蒲弊氏，易内而饮酒。

十一月乙亥，尝于大公之庙，庆舍莅事。卢蒲姜告之，且止之。弗听，曰：“谁敢者！”遂如公。麻婴为尸，庆圭为上献。卢蒲癸、王何执寝戈。庆氏以其甲环公宫。陈氏、鲍氏之圉人为优。庆氏之马善惊，士皆释甲束马而饮酒，且观优，至于鱼里。

襄公三十年（节录） 郑伯有耆酒，为窟室，而夜饮酒击钟焉，朝至未已。朝者曰：“公焉在？”其人曰：“吾公在壑谷。”皆自朝布路而罢。既而朝，则又将使子皙如楚，归而饮酒。

昭公元年（节录） 穆叔、子皮及曹大夫兴，拜，举兕爵，曰：“小国赖子，知免于戾矣。”饮酒乐。赵孟出，曰：“吾不复此矣。”

昭公七年（节录） 楚子之为令尹也，为王旌以田。芋尹无宇断之，曰：“一国两君，其谁堪之？”及即位，为章华之宫，纳亡人以实之。无宇之闾人焉。无宇执之，有司弗与，曰：“执人于王宫，其罪大矣。”执而谒诸王。王将饮酒，无宇辞曰：“天子经略，诸侯正封，古之制也……”

昭公七年（节录） 子皮之族饮酒无度，故马师氏与子皮氏有恶。齐师还自燕之月，罕朔杀罕魋。

昭公八年（节录） 冬十一月壬午，灭陈。舆嬖袁克，杀马毁玉以葬。楚人将杀之，请置之。既又请私，私于幄，加絰于颡而逃。使穿封戌为陈公，曰：“城麋之役，不谄。”侍饮酒于王，王曰：“城麋之役，女知寡人之及此，女其辟寡人乎？”

昭公九年（节录） 晋荀盈如齐逆女，还，六月，卒于戏阳。殡于绛，未葬。晋侯饮酒，乐。膳宰屠蒯趋入，请佐公使尊，许之。而遂酌以饮工，曰：“女为君耳，将司聪也。辰在子卯，谓之疾日。君彻宴乐，学人舍业，为疾故也。君之卿佐，是谓股肱。股肱或亏，何痛如之？女弗闻而乐，是不聪也。”又饮外嬖嬖叔曰：“女为君目，将司明也。服以旌礼，礼以行事，事有其物，物有其容。今君之容，非其物也，而女不见。是不明也。”亦自饮也，曰：“味以行气，气以实志，志以定言，言以出令。臣实司味，二御失官，而君弗命，臣之罪也。”公说，彻酒。

昭公十年（节录） 齐惠栾、高氏皆耆酒，信内多怨，强于陈、鲍氏而恶之。

夏，有告陈桓子曰：“子旗、子良将攻陈、鲍。”亦告鲍氏。桓子授甲而如鲍氏，遭子良醉而骋，遂见文子，则亦授甲矣。使视二子，则皆从饮酒。桓子曰：“彼虽不信，闻我授甲，则必逐我。及其饮酒也，先伐诸？”陈、鲍方睦，遂伐栾、高氏。

昭公十一年（节录） 蔡侯不可。五月丙申，楚子伏甲而殄蔡侯于申，醉而执之。

昭公十二年（节录） 晋侯以齐侯宴，中行穆子相。投壶，晋侯先。穆子曰：“有酒如淮，有肉如坻。寡君中此，为诸侯师。”中之。齐侯举矢，曰：“有酒如澠，有肉如陵。寡人中此，与君代兴。”亦中之。

昭公二十年（节录） 卫侯告宁于齐，且言子石。齐侯将饮酒，遍赐大夫曰：“二三子之教也。”苑何忌辞，曰：“与于青之赏，必及于其罚。在《康诰》曰：‘父子兄弟，罪不相及。’况在群臣？臣敢贪君赐以干先王？”

昭公二十一年（节录） 公惧，使侍人召司马之侍人宜僚，饮之酒而使告司马。司马叹曰：

“必多僚也。吾有谗子而弗能杀，吾又不死，抑君有命，可若何？”乃与公谋逐华疆，将使田孟诸而遣之。公饮之酒，厚酬之，赐及从者。

昭公二十五年（节录） 宋公享昭子，赋《新宫》。昭子赋《车辖》。明日宴，饮酒，乐，宋公使昭子右坐，语相泣也。

昭公二十七年（节录） 郤宛直而和，国人说之。鄢将师为右领，与费无极比而恶之。令尹子常贿而信谗，无极潜郤宛焉，谓子常曰：“子恶欲饮子酒。”又谓子恶：“令尹欲饮酒于子氏。”子恶曰：“我，贱人也，不足以辱令尹。令尹将必来辱，为惠已甚。吾无以酬之，若何？”无极曰：“令尹好甲兵，子出之，吾择焉。”取五甲五兵，曰：“置诸门，令尹至，必观之，而从以酬之。”及飨日，帷诸门左。

冬，公如齐，齐侯请飨之。子常子曰：“朝夕立于其朝，又何飨焉？其饮酒也。”乃饮酒，使宰献，而请安。

定公二年（节录） 邾庄公与夷射姑饮酒，私出。闾乞肉焉。夺之杖以敲之。

定公三年（节录） 唐成公如楚，有两肃爽马，子常欲之，弗与，亦三年止之。唐人或相与谋，请代先从者，许之。饮先从者酒，醉之，窃马而献之子常。

定公六年（节录） 赵简子逆，而饮之酒于绵上，献杨楯六十于简子。陈寅曰：“昔吾主范氏，今子主赵氏，又有纳焉。以杨楯贾祸，弗可为也已。然子死晋国，子孙必得志于宋。”范献子言于晋侯曰：“以君命越疆而使，未致使而私饮酒，不敬二君，不可不讨也。”乃执乐祁。

哀公十一年（节录） 初，晋悼公子愨亡在卫，使其女仆而田。大叔懿子止而饮之酒，遂聘之，生悼子。

哀公十三年（节录） 吴申叔仪乞粮于公孙有山氏，曰：“佩玉、忌兮，余无所系之。旨酒一盛兮，余与褐之父睨之。”对曰：“梁则无矣，粗则有之。若登首山以呼曰：‘庚癸乎！’则诺。”

哀公十四年（节录） 齐简公之在鲁也，阚止有宠焉。及即位，使为政。陈成子惮之，骤顾诸朝。诸御鞅言于公曰：“陈、阚不可并也，君其择焉。”弗听。子我夕，陈逆杀人，逢之，遂执以入。陈氏方睦，使疾，而遗之潘沐，备酒肉焉，飨守囚者，醉而杀之，而逃。子我盟诸陈于陈宗。

夏五月壬申，成子兄弟四乘如公。子我在幄，出，逆之。遂入，闭门。侍人御之，子行杀侍人。公与妇人饮酒于檀台，成子迁诸寝。公执戈，将击之。

哀公十五年（节录） 闰月，良夫与大子入，舍于孔氏之外圃。昏，二人蒙衣而乘，寺人罗御，如孔氏。孔氏之老栾宁问之，称姻妾以告。遂入，适伯姬氏。既食，孔伯姬杖戈而先，大子与五人介，舆辍从之。迫孔悝于厕，强盟之，遂劫以登台。栾宁将饮酒，炙未熟，闻乱，使告季子。召获驾乘车，行爵食炙，奉卫侯辄来奔。

哀公十六年（节录） 六月，卫侯饮孔悝酒于平阳，重酬之，大夫皆有纳焉。醉而送之，夜半而遣之。

卫侯占梦，嬖人求酒于大叔僖子，不得，与卜人比而告公曰：“君有大臣在西南隅，弗去，惧害。”乃逐大叔遗。

哀公二十五年（节录） 二十五年夏五月庚辰，卫侯出奔宋。卫侯为灵台于藉圃，与诸大夫饮酒焉。

初，卫人翦夏丁氏，以其帑赐彭封弥子。弥子饮公酒，纳夏戊之女，嬖，以为夫人。

公宴于五梧，武伯为祝，恶郭重，曰：“何肥也！”季孙曰：“请饮彘也。以鲁国之密迩仇讎，臣是以不获从君，克免于大行，又谓重也肥。”公曰：“是食言多矣，能无肥乎？”饮酒不乐，公与大夫始有恶。（清嘉庆二十年南昌府学重刊宋本十三经注疏本社预《春秋左传正义》）



孔子

孔子（前551—478年），名丘，字仲尼，鲁国陬邑人（今山东曲阜），祖籍宋国栗邑（今河南夏邑），中国著名大思想家、大教育家，儒家学派创始人，被后世统治者尊为孔圣人、至圣先师、万世师表。其儒家思想对中国及世界都有深远影响，被被列为“世界十大文化名人”之首。孔子曾受业于老子。他带领部分弟子周游列国十四年，晚年修订六经，即《诗》《书》《礼》《乐》《易》《春秋》。相传有弟子三千，其中七十二贤人。孔子去世后，其弟子及其再传弟子把孔子及其弟子的言行语录和思想记录下来，整理编成儒家经典《论语》。

为政第二（节录）

有事弟子服其劳，有酒食先生馔，曾是以为孝乎？（四部丛刊景日本正平本何晏《论语》卷一）

雍也第六（节录）

觚不觚，觚哉！觚哉！（同上卷三）

子罕第九（节录）

出则事公卿，入则事父兄，丧事不敢不勉，不为酒困，何有与我哉？（同上卷五）

乡党第十（节录）

惟酒无量，不及乱。沽酒，市脯不食。
乡人饮酒，杖者出，斯出矣。（同上卷五）

孟子

孟子（约前372—约前289），名轲，字子舆，山东邹城人。《史记·孟子荀卿列传》称，孟子是孔子之孙子思的再传弟子。学成之后，曾游说齐宣王、梁惠王以及滕、鲁、宋等国，不为所用。于是“退而与万章之徒序《诗》、《书》，述仲尼之意，作《孟子》七篇”。孟子主张行“王道”、施“仁政”，是对孔子思想的承袭和发展，所以后世往往以孔子为“圣人”，以孟子为“亚圣”，“孔孟”并称。

梁惠王下（节录）

从流下而忘反谓之流，从流上而忘反谓之连，从兽无厌谓之荒，乐酒无厌谓之亡。先王无流连

之乐，荒亡之行，惟君所行也。（四部丛刊景宋大字本《孟子》卷二）

离娄上（节录）

天子不仁，不保四海；诸侯不仁，不保社稷；卿大夫不仁，不保宗庙；士庶人不仁，不保四体。今恶死亡而乐不仁，是由恶醉而强酒。（同上卷七）

曾子养曾皙，必有酒肉，将彻必请所与，问有余，必曰有。曾皙死，曾元养曾子，必有酒肉，将彻不请所与，问有余，曰亡矣，将以复进也。此所谓养口体者也，若曾子则可谓养志也。事亲若曾子者，可也。（同上卷七）

离娄下（节录）

孟子曰：“禹恶旨酒而好善言。”（同上卷八）

孟子曰：“世俗所谓不孝者五：惰其四支，不顾父母之养，一不孝也；博弈好饮酒，不顾父母之养，二不孝也……”（同上卷八）

齐人有一妻一妾而处室者，其良人出则必饜酒肉而后反。其妻问所与饮食者，则尽富贵也。其妻告其妾曰：“良人出则必饜酒肉而后反，问其与饮食者，尽富贵也，而未尝有显者来，吾将矐良人之所之。”（同上卷八）

告子上（节录）

孟子曰：“欲贵者，人之同心也。人人有贵于己者，弗思耳。人之所贵者，非良贵也。赵孟之所贵，赵孟能贱之。诗云‘既醉以酒，既饱以德’，言饱乎仁义也，所以不愿人之膏粱之味也；令闻广誉施于身，所以不愿人之文绣也。”（同上卷十一）

尽心下（节录）

孟子曰：“说大人则藐之，勿视其巍巍然。堂高数仞，榱题数尺，我得志弗为也；食前方丈，侍妾数百人，我得志弗为也；般乐饮酒，驱骋田猎，后车千乘，我得志弗为也。在彼者皆我所不为也，在我者皆古之制也，吾何畏彼哉？”（同上卷十四）

屈原

屈原（约前340—约前278），名平，字原；又名正则，字灵均，湖北秭归人。楚国贵族出生，系我国最早著名诗人，楚国杰出政治家。博闻广见，明于治乱，娴于辞令，品节坚贞。初辅佐怀王，曾为左徒、三闾大夫。主张修明法度，举贤授能，联齐抗秦。因与子兰、靳尚等楚旧贵族势力斗争被逸见疏。怀王与襄王年间两次被放逐汉水上游和沅、湘流域。公元前278年，楚国郢都被秦攻破，君臣仓皇出奔。家破国亡激起其痛不欲生，农历五月初五怀石自沉汨罗江。《离骚》是其代表作。

九歌（节录）

瑶席兮玉瑱，盍将把兮琼芳；蕙肴蒸兮兰藉，奠桂酒兮椒浆。

捐余玦兮江中，遗余佩兮醴浦。

沉有菝兮醴有兰，思公子兮未敢言。（古逸丛书景元本朱熹《楚辞集注》卷二）

渔父

屈原既放，游于江潭，行吟泽畔，颜色憔悴，形容枯槁。渔父见而问之曰：“子非三闾大夫与？何故至于斯？”屈原曰：“举世皆浊我独清，众人皆醉我独醒，是以见放。”

渔父曰：“圣人不凝滞于物，而能与世推移。世人皆浊，何不泥其泥而扬其波？众人皆醉，何不哺其糟而歠其醪？何故深思高举，自令放为？”

屈原曰：“吾闻之，新沐者必弹冠，新浴者必振衣；安能以身之察察，受物之汶汶者乎？宁赴湘流，葬于江鱼之腹中。安能以皓皓之白，而蒙世俗之尘埃乎？”

渔父莞尔而笑，鼓枻而去，乃歌曰：“沧浪之水清兮，可以濯吾缨；沧浪之水浊兮，可以濯吾足。”遂去，不复与言。（同上卷五）

招魂（节录）

瑶浆蜜勺，实羽觞些。挫糟冻饮，酎清凉些。华酌既陈，有琼浆些。

美人既醉，朱颜酡些。

娱酒不废，沉日夜些。兰膏明烛，华灯错些。结撰至思，兰芳假些。人有所极，同心赋些。酎饮尽欢，乐先故些。魂兮归来！反故居些。（同上卷七）

大招（节录）

四酎并孰，不涩嗑只。清馨冻饮，不歠役只。吴醴白蘘，和楚沥只。（同上卷七）

邹阳

邹阳（约前206—前129），西汉初齐人。吴王刘濞招致四方游士，邹阳投奔吴王，以文学著名。吴王谋反，邹阳上书劝谏，吴王不听，遂离开吴国来到梁国，投奔梁孝王刘武，为上客。梁孝王与羊胜、公孙诡等谋为不轨，派人刺杀大臣袁盎，事露被责，赖邹阳为其周旋求情，梁孝王方得以免罪。邹阳散文词意慷慨，委曲尽情，尚有战国游士纵横善辩之风。

酒赋

梁孝王游于忘忧之馆，集诸游士，各使为赋。邹阳为酒赋，其词曰：

清者为酒，浊者为醴；清者圣明，浊者顽駮。皆曲涓丘之麦，酿野田之米。仓风莫预，方金未启。嗟同物而异味，叹殊才而共待。流光驿驿，甘滋泥泥。醪酿既成，绿瓷既启。且筐且漉，载茜载齐。庶民以为欢，君子以为礼。其品类，则沙洛淶鄠，程乡若下。高公之清，关中白薄，青渚紫停。凝醪醕酎，千日一醒。哲王临国，绰矣多暇。召皤皤之臣，聚肃肃之宾。安广坐，列雕屏。綃绮为席，犀璠为镇。曳辰裾，飞广袖。奋辰纓，英伟之士。莞尔而卽之，君王凭玉几、倚玉屏。举手一劳，四坐之士，皆若哺梁焉。乃纵酒作倡，倾碗覆觞。右曰官申，旁亦征扬。乐只之深，不吴不狂。于是锡名餌，祛夕醉，遣朝醒。吾君寿亿万岁，常与日月争光。（民国十九年景清光绪二十年黄冈王氏刻本《全上古三代秦汉三国六朝文·全汉文》卷十九）

孔安国

孔安国（约前156—约前74），字子国，西汉鲁人，孔子第十一世孙。明达渊博，动遵礼法。受《诗》于申公，受《尚书》于伏生。武帝时，官谏大夫，临淮太守。武帝末，鲁共王坏孔府旧宅，于壁中得《古文尚书》、《礼记》、《论语》及《孝经》，皆蝌蚪文字，当时人皆不识，安国以今文读之，又奉诏作书传，定为五十八篇，谓之《古文尚书》。又著有《古文孝经传》、《论语训解》。

酒诰

康叔监殷民，殷民化纣嗜酒，故以戒酒诰。○嗜，市志反。【疏】传“康叔”至“《酒诰》”○正义曰：以《梓材》云“若兹监”，故云“康叔监殷民”也。郑以为“连属之监，则为牧而言”，然康叔时实为牧，而所戒为居殷墟，化纣余民，不主于牧。下篇云“监”，“监”，亦指为君言之也。明“监”，即国君监一国。故此言“监殷民”，不言监一州。若大宰之建牧立监也。

王若曰：明大命于妹邦。

周公以成王命诰康叔，顺其事而言之，欲令明施大教命于妹国。妹，地名，纣所都朝歌以北是。○“王若”，马本作“成王若曰”，注云：“言成王者，未闻也。俗儒以为成王骨节始成，故曰成王。或曰以成王为少成二圣之功，生号曰成王，没因为谥。卫、贾以为戒成康叔以慎酒，成就人之道也，故曰成。此三者，吾无取焉。吾以为后录《书》者加之，未敢专从，故曰未闻也。”妹邦，马云：“妹邦，即牧养之地。”欲令，力呈反。下“始令”、“勿令”同。

乃穆考文王，肇国在西土。

父昭子穆，文王弟称穆，将言始国在西土。西土，岐周之政。○文王弟称穆，周自后稷而封，为始祖，后稷生不窋为昭，鞠陶为穆；公刘为昭，庆节为穆，皇仆为昭；羌弗为穆，毁掄为昭；公非为穆，高圉为昭；亚圉为穆，诸盭为昭；大王为穆，王季为昭；文王为穆。故《左传·官之奇》云：“大伯、虞仲，大王之昭也。虢仲、虢叔，王季之穆也。”又富辰云：“管蔡已下十六国，文之昭也。”昭，一音韶。窋，音竹律反。掄，音投。盭，音张流反。大，并音太。

厥诰毖庶邦庶士越少正、御事，朝夕曰：祀兹酒。

文王其所告慎众国众士于少正官、御治事吏，朝夕教之：惟祭祀而用此酒，不常饮。○毖，音



秘。少，诗照反。

惟天降命，肇我民，惟元祀。

惟天下教命，始令我民知作酒者惟为祭祀。○为，于伪反，下同。

天降威，我民用大乱丧德，亦罔非酒惟行。

天下威罚，使民乱德，亦无非以酒为行者，言酒本为祭祀，亦为乱行。○惟行，下孟反，注及下注“之行”同。

越小大邦用丧，亦罔非酒惟辜。

于小大之国所用丧亡，亦无不以酒为罪也。【疏】“王若”至“惟辜”○正义曰：周公以王命诰康叔，顺其事而言曰：汝当明施大教命于妹国，而戒之以酒。所以须戒酒者，以汝父于庙次穆考文王，始国在西土，岐周为政也。其诰慎所职众国众士于少正官、御治事吏，朝夕款之曰：惟祭祀而用此酒，不常为饮也。所以不常为饮者，以惟天之下教命，始令我民知作酒者惟为大祭祀，故以酒为祭，不主饮。故天下威罚于我民，用使之大为乱，以丧其德，亦无非以酒为行而用之，故于小大之国，用使之丧亡，亦无非以酒为罪。以此众事少正皆须戒酒也。是文王以酒为重戒，汝不可不法也。○传“周公”至“北是”○正义曰：此为下之目，故言“明施大教命于妹国”。此妹与沫一也，故沫为地名，紂所都朝歌以北。但妹为朝歌之所居也，朝歌近妹邑之南，故云“以北是”。《诗》又云“沫之东矣，沫之乡矣”，即东与北为乡也。妹属墉，紂所都在妹，又在北与东，是地不方平，偏在墉多故也。马、郑、王本以文涉三家而有“成”字。郑玄云：“成王所言，成道之王。”三家云“王年长，骨节成立”，皆为妄也。○传“父昭”至“之政”○正义曰：以穆连考，故以昭穆言之。文王庙次为穆，以周自后稷以至文王十五世。案，《世本》云：“后稷生不窋为昭，不窋生鞠陶为穆，鞠陶生公刘为昭，公刘生庆节为穆，庆节生皇仆为昭，皇仆生羌弗为穆，羌弗生毁榆为昭，毁榆生公飞为穆，公飞生高圉为昭，高圉生亚圉为穆，亚圉生组绌为昭，组绌生大王亶父为穆，亶父生季历为昭，季历生文王为穆。”据世次，偶为穆也。《左传》曰“大伯虞仲，大王之昭”，言大王为穆而子为昭。又曰“虢仲、虢叔，王季之穆”，亦王季为昭而子为穆，与文王同穆也。又管、蔡、郕、霍等十六国，亦曰文王之昭，则以文王为穆，其子与武王为昭。又曰“邠晋应韩，武之穆”，以继武王为昭也。将言“始国在西土。西土，岐周之政”者，据今本，先故言“始”，谓初始为政。然则居丰前，故云“西土”，欲将言道文王诰庶庶邦以下之政，故先本之云“肇国在西土”。○传“文王”至“常饮”○正义曰：告款，使之敬慎，故曰“告慎其众国”，即众多国君。众士，朝臣也。既总呼为士，则卿大夫俱在内。少正、御治事以其卑贱，更别目之。朝夕款之，丁宁慎之至也。○传“惟天”至“祭祀”○正义曰：《世本》云：仪狄造酒，夏禹之臣，又云杜康造酒，则人自意所为。言“天下教命”者，以天非人，不因人为者，亦天之所使，故凡造立皆云本之天。元祀者，言酒惟用于大祭祀，见戒酒之深也。顾氏云：元，大也。《洛诰》“称秩元祀”，孔以为“举秩大祀”，大刘以元为始，误也。○传“天下”至“乱行”○正义曰：民自饮酒致乱，以被威罚，言“天下威”者，亦如上言天之下教命，令民作酒也。为乱而罪，天理当然，故曰“天讨有罪，五刑五用哉”。俗本云“不为乱行”，定本云“亦为乱行”，俗本误也。○传“于小”至“为罪也”○正义曰：“小大之国”，谓诸侯之国有小大也。上言“民用大乱”，指其身为罪；此言“邦用丧”，言其邦国丧灭。上文总谓贵贱之人，此则专指诸侯之身故也。惟行用酒，惟罪身得罪，亦互相通也。

文王诰教小子有正有事：无彝酒。

小子，民之子孙也。正官治事，谓下群吏，教之皆无常饮酒。

越庶国，饮惟祀，德将无醉。

于所治众国，饮酒惟当因祭祀，以德自将，无令至醉。